

zoso a esaminarlo, e li deteno do seassi di corda. Nulla disse; *solum* era venuto col boemo e lo 'l volea dar in man di li nostri. Il Colegio fo questo: Sier Piero Querini consier, sier Lorenzo Capelo Cao dil Consejo di X, sier Piero Contarini avogador di comun, et sier Alvixe Pixani inquisitor dil Consejo di X.

Di Trevixo, di sier Sebastian Moro podestà et capitano, e sier Hironimo da cha' da Pexaro provedador zeneral. Dil zonzer li li 200 fanti, fo di Hironimo Tartaro, et la Signoria ordina quello vol che i fazano. *Item*, sollicitano di danari per pagar quelle zente etc.

Di Udene, di sier Giacomo Badoer luogotenente. De occurrentiis, et non si sente con verità adunation niuna di sopra.

Fu posto, per li savii, atento li meriti di Hironimu Lenguazo citadin padoan, che li sia concesso cavalier di comun sotto do rezimenti, *ut in parte, videlicet* compito quelli di . . . l'ha al presente; et fu presa: 135 di si, 20 di no.

Fu posto, per li diti, una gratia di sier Sebastian Contarini qu. sier Julio, debitor a le Raxon nuove dil dazio dil 1482 et del 1483 di ducati 11966, che prestando a la Signoria ducati 200 da esser scontà, *ut in parte, videlicet* ogni anno ducati 100, possi pagar dito debito di prò e cavedal d'imprestidi, *ut in parte*; presa. Ave la dita parte, poi leta la suplication, 29 di no, 121 de si.

136* Fu posto, per li consieri, elezer li exatori a le Cazude per 4 man di eletion e la bancha, et possi esser electi quelli sono debitori, intendando la mità dil debito sconti con quanto vadagnerano al ditto officio, *ut in parte*, e fo presa. 10 di no, 142 de si.

Fu fato scurtinio, con boletini, di Savii sopra le tanxe con pena in do volte, parte di qua e parte di là di Canal; il scurtinio e quelli rimaseno sono questi:

Electi 4 Savii a tanzar di là de Canal, quatro ordinarii et uno di rispetto, che manchano.

† Sier Francesco Barbarigo, è di Pregadi, qu. sier Zuanne	126.39
† Sier Polo Capello el cavalier, fo savio dil Consejo, qu. sier Vetur	119.44
† Sier Agustin da Mula, è di Pregadi, qu. sier Polo	108.53
R. † Sier Francesco Bragadin, è di Pregadi, qu. sier Giacomo	99.62
Sier Alvixe Marzelo, è di Pregadi, qu. sier Giacomo	99.60

Sier Marco Zantani, fo podestà a Chioza, qu. sier Antonio	88.76
Sier Michiel Salamon, fo provedador al sal, qu. sier Nicolò	98.67
† Sier Zuan Francesco Marzelo, è di Pregadi, qu. sier Antonio	107.57

Electi tre di qua da canal ordinarii et uno de rispetto, che mancano.

† Sier Francesco Bragadin, fo savio dil Consejo, qu. sier Alvixe procurator	130.34
Sier Lunardo Emo, è di Pregadi, qu. sier Zuane el cavalier	87.36
Sier Domenego Loredan, è di la zonta, qu. sier Lorenzo	97.68
† Sier Alvixe Zen, è di Pregadi, qu. sier Francesco	107.59
Sier Zacaria Loredan, è di Pregadi, qu. sier Lucha	87.73
R. † Sier Francesco Orio, fo avogador di comun, qu. sier Piero	101.66
Sier Pangrati Capello, è di Pregadi, qu. sier Bernardo	98.66
† Sier Zacaria di Prioli, è di Pregadi, qu. sier Marco	105.57

Et Pregadi veneno zoso a hore 22. Et in questo zorno achadete che per i Signori di note fu fato retenir sier Beneto Barbarigo, fo avochato grando, di sier Francesco qu. sier Beneto, incolpado per ladro, per aver robado robe di caxa di sier Giacomo Sagredo, et il Principe comesse a li Signori di note dovesseno far justitia, et loro feno retenirlo, e fu posto in caxa dil capitano e poi lasato.

In questa sera, parti la galia sotil Simitecola con homeni 80, va in Dalmatia a interzarsi; resta l'altra sotil, soracomito sier Bernardo Contarini, qual non armerà questo anno.

Fo mandato a Padoa ducati 4000.

Di Roma, di sier Vetur Lippomano vidè lettere, di 31. Come a di 29 in concistorio il Papa dete l'arzivescoado di Corphù al reverendo domino Christoforo Marcelo prothonotario, con questo lassi il priorà di Santa † di Padoa, qual il Papa l'ha dato al Contin padoan suo camerier. *Item*, in dito concistorio, lo episcopo di Urbin, Trombeta, ch'è vechio, à renunciato quel vescoado al cardinal Grimani; el vol poi lo dagi a uno suo nepote. È letere d'Ingaltera in quelli banchieri, come seguirà l'acordo o paxe tra